

詞

漁歌子

潘淑媛

蘆汀荻岸釣魚翁，萬里煙波一棹風

，秋水碧，落霞紅，孤舟枕上見飛鴻。

浪淘沙

國事感懷

羞忍氣吞聲，勇退蘭盟，豺狼嘯聚

地維傾，宵小橫行無正義，義憤填膺。

處變莫須驚，矢志忠誠，振衣千仞快鵬

程，斬盡殺絕滅鼠輩，重肇清平。

憶江南

(思鄉)

家鄉憶，最憶百花莊。低語夜闌人

靜後，吹蕭庭院月華涼，殘燭剪西窗。

蹋莎行

春郊

霧浥紅英，烟迷碧樹，芳郊草色連

江渚。青梅如豆柳如絲，双双蝶翅穿花

舞。綠漲平湖，風翻輕絮，綠槐陰裏黃

鶯語。柳邊燕子傍人飛，斜暉脈脈明溪

路。